

各位老師、各位同學大家好!

我是0號、今仔日我欲講的題目是：「做環保的重要」

這馬的熱天一年比一年閣較熱，以後熱天的溫度是會較懸袂較低，冰山溶去真嚴重，全世界攞共款，人口愈來愈濟，住的所在變較細，會使種樹仔的空地變足少，樹仔到了了，大樓起一堆免講麻遮熱。

俗語講：「人無照天理，天無照甲子」，這句話實在講起足有道理，「人佇做天佇看，做好做標免相瞞」。

其實咱這馬會當做的，就是買物件的時家已準備塑膠袋，免洗的箸啦、碗、麻毋通用傷濟，出門的時若是有時間用行路，第一對身體較好、第二是省錢又閣趁健康，「一兼二顧摸蚶仔兼洗褲」，毋通一入門就開冷氣，流一寡汗排毒對身體健康有幫助。

退時行的舊衫、穿兩三擺就無恰意穿的舊鞋，莫擲揸拵會記得整理予好勢，看是欲送予有需要的人，仰是回收做公益攞會使，麻是做善事，上重要的是較環保。

以前水溝仔有看著魚鰻，大肚魚仔，草蝦仔困，這馬攞無看著影隻，水溝的廢水有毒素，致使無法度喘氣攞死了了矣!科技若是愈進步，環境破壞就愈嚴重，莫怪溫度懸天氣熱。

尤其是咱住的島嶼，四箍輾轉攞是海，若去海邊耍水的時家已紮去的物件愛會記得紮走，毋管會食仰是糞埤，海底有真濟塑膠罐仔，玻璃斫仔，遮就是咱無給環保做予好的緣故，若是大家攞會當遵守環保觀念，海邊就袂這濟糞埤，大家手牽手守護咱的家園，樓頂招樓跔，阿母招阿爸，同齊來做環保，予咱的下一代有清氣的環境，水溝仔看會著魚仔困，若是有堅持咱一定會成功。
我今仔日就講到遮，多謝大家。